

**2013-imi Inatsisartut aningaasanut inatsisissaanni ukiunilu missingersuusiorfiusuni inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersumi § 45 aamma § 46 naapertorlugu illuutinik iluarsartuussinernut, allilerinernut imaluunniit pitsanngorsaanermut ukiumut 2,3 mio. kr-inik immikkoortitsinissamik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut, taamaalilluni BSU pillugu peqqussummi § 4 naapertorlugu illuutillit 2013 aallarnerfigalugu illuutiminnik iluarsartuussinissamut pisortanit taperneqarsinnaanermik periarfissaqaqqilersinnaaqqullugit.**  
*(Inatsisartuni ilaasortaq Anders Olsen, Siumut)*

**pillugu**

**Sanaartornermut Avatangiisinullu ataatsimiititaliap**

**ISUMALIUTISSIISSUTAA.**

**Siunnersuutip aappassaaneerneqarneranut saqqummiunneqartoq.**

Ataatsimiititaliap suliaqarnerani ilaasortat uku peqataapput:

Inatsisartunut ilaasortaq Juliane Henningsen, Inuit Ataqtigiit, Siulittaasoq  
Inatsisartunut ilasortaq Andreas Uldum, Demokraterne, Siulittaasup tullia  
Inatsisartunut ilasortaq Aqqaluaq B. Egede, Inuit Ataqtigiit  
Inatsisartunut ilasortaq Knud Fleischer, Kattusseqatigiit Partiiat  
Inatsisartunut ilasortaq Malik Berthelsen, Siumut  
Inatsisartunut ilasortaq Anders Olsen, Siumut  
Inatsisartunut ilasortaq Per Berthelsen, Siumut

Ulloq 2. oktober 2012-mi UKA 2012-p ingerlanerani siullermeerneqareermat  
Ataatsimiititaliap siunnersuut misissorpaa.

**Siunnersuutip imaa aamma siunertaa**

AIS 2011-mi BSU-mit taarsigassarsillutik illuutillit 100.000 kr.-t tikillugit  
iluarsartuussinissamut, allilerinissamut pitsanngorsaanissamulluunniit atugassanik  
tapiiffigineqarnissamik periarfissaat sipaarniutigineqarpoq. Siunnersuut una atorlugu 2013-  
imut siunissamilu aningaasanut inatsimmi 2,3 mio. kr.-nik aningaasaliisoqartarnissaa

siunnersuuteqartup kissaatigaa, taamaalillutik BSU-mit taarsigassarsillutik illuutillit illuutimik iluarsartuunnissaannut il.il. tapiiffigineqarnissamut periarfissaqaqqilissammata.

### **Siunnersuutip Inatsisartuni siullermeerneqarnera**

Siunnersuut ataatsimut isigalugu ilalersorneqarpoq. Siunnersuut taama isikkoqartillugu Siumumit, Atassumit aamma Kattusseqatigiit Partiiatit tapersersorneqarpoq. Taamaattorli siunertamut amerlanerusunik aningaasaliisoqarsinnaanersoq Ataatsimiititaliap misissussagaa Siumumit kaammattuutigineqarpoq. AIS 2013-imi siunissamilu nutarterinermut, allilerinermut pitsanngorsaanermullu 2,3 mio. kr.-nik aningaasaliisoqartassasoq Inuit Ataqtigiit isumaqatigaat. Taamaattorli Inuit Ataqtigiit isumaqarput, Inatsisartut peqqussutaanni malittarisassat allanngortinneqassasut, taamaalilluni BSU-mit taarsigassarsillutik illuutillit 200.000 kr.-t angullugit 100.000 kr.-inut taarsiullugu qinnuteqarsinnaassasut, tamannalu tunngavigalugu aappassaaneerneqarneranut Ataatsimiititaliaq allannguutissatut siunnersuummik saqqummiussissasoq kaammattorlugu. Illuutillit tamarmik illuminnik nutarterinissamut akissaqannginnerannik Demokraatit paasinissinnaapput, taamaattorli siumut aalajangersimasumik imminnut pituttorniannigillat, Demokraatilli periarfissat allat isumaliutigineqarnissaat naleqquttutut isigaat, assersuutigalugu nutarterinermi ilanngaateqartarnerup atuutilersinnissaa.

Ataatsimut isigalugu partiit oqaaseqaataat Inatsisartunilu suliarinninnermi oqaatigineqartut Ataatsimiititaliamit innersuussutigineqarput.

### **Isumasioqatigiinneq**

Ataatsimiititaliap siunnersuummik suliaqarneranut atatillugu Ineqarnermut, Attaveqarnermut Angallanermullu Naalakkersuisoq Ataatsimiititaliamit isumasioqatigineqarpoq. Isumasioqatigiinnissamut aggeqqusissutip aamma Naalakkersuisunut ilaasortap oqaatigisaanut tunngavissiap assilineqarneri isumaliutissiisummut uunga **ilanngussaq 1**-tut tapiliunneqarput.

### **Siunnersuut pillugu Ataatsimiititaliamit siuliaqarneq**

Aallaqqaasiullugu Ataatsimiititaliamit oqaatigineqassaaq, inissianik nutarterinermut, alliliinermut pitsanngorsaanermullu Aningaasanut inatsimmi siusinnerusukkut kontoni pingaarnerni marlunni assigiinngitsuni aningaasaliisoqartarsimammat. Kontomi pingaarnermi 89.72.21-mi pineqarput Inissialiortiternermut tapiissuteqartarneq, iluarsaanissamut immikkullu aserfallatsaaliinissamut taarsigassarsisitsineq, kontomilu pingaarnermi 87.72.23-mi pineqarlutik Initaarnermut tapiissutit, iluarsaassinissamut tapiissutit. AIS 2010-mili kontonut marlunnet taakkununga aningaasaliisoqarnikuunngilaq. Kontomi pingaarnermi 87.72.23-mi pineqarput taarsigassarsialinnut, isertitakinnertik pissutigalugu

taarsigassarsiaminnut ernianik akilersukkanillu akiliisinnaangitsunut, taamaattumillu konto pingaarneq 89.72.21 atorlugu nutarterinermut immikkullu aserfallatsaaliinissamut taarsigassarsitineqarsinnaangitsunut tapiissutit. Taamaallutik pineqartut tassaapput aalajangersimasumik tapiissutit, kiisalu kontomit tassanngaannerpiaq 2,3 mio. kr.-t aningaasaliissutigineqassasut siunnersuuteqartup siunnersuutigaa. Ataatsimiititaliap maluginiarpaa, AI 2009-mi kontomut 2,5 mio. kr.-t aningaasaliissutaasimasut, AI 2010-milu 1,4 mio. kr.-t aningaasaliissutaasut.

Inatsisartuni suliarinninnermi 2,3 mio. kr.-t taakku BSU-mit taarsigassarsillutik illuutilinnut taarsigassarsiatut imaluunniit tapiissutit aningaasaliissutigineqassanersut isummensorfigineqarpoq. Ataatsimiititaliaq isumaqatigiittoq tamatumunnga oqaaseqarpoq, aningaasat kontomi pingaarnermi 87.72.23-mi aningaasaliissutigineqassasut, taamaalluni BSU-mit taarsigassarsillutik illuutilinnut tapiissutit atorineqassasut, taarsigassarsissutaassanngitsullu Ataatsimiititaliaq isumaqartoq. Ataatsimiititaliaq isumaqarpoq, illuutillit isertitakereersut, taamaallutillu illuminnut taarsiinissamut akissaqarnissamik ajornartorsiuteqareersut nutarterinermut taarsigassarsianik aamma akiliuteqarsinnaanissaat ilimanaateqanngitsoq. Aammattaaq Ataatsimiititaliap oqaatigaa, taarsigassarsisitsinermik aqqissuussinerup aqunneqarnera aqutsinermut akissaajaatinik amerlasuunik nassataqarsinnaasoq. **Ilanngussaq 1** malillugu Naalakkersuisunut ilaasortap oqaatigaa, maannamut inissialiornermut tapersiissuteqartarnermit misilittakkat ersarilluinnartumik takutikkaat, BSU-mit taarsigassarsillutik illuutillit amerlanersaat taarsigassarsianik amerlanerusunik akilersuinissamut isertitaat naammattanngitsut, kiisalu nunaqarfinni isorliunerusunilu taarsigassarsititsisarneq atornagu tapiissuteqartarneq taamaallaat atorineqartariaqartoq.

Maleruagassat atuuttut misissoqqissaarsinnaanissaat iluarsaanneqarsinnaanissaallu siunertaralugu Ataatsimiititaliap suliaqarnermini aamma Inatsisartut Peqqussutaanni §§-ini 45-mi aamma 46-mi piumasaqaatit atuuttut misissorsimavai.

Inatsisartut peqqussutaanni § 45 malillugu tapiissutinik pissarsisinnaanermut piumasaqaataavoq, ukiuni kingullerni marlunni akileraaruteqarfiusuni inoqutigiinni akileraaruteqaataasussamik 180.000 kr.-t inorlugit isertitaqarsimanissaq, imaluunniit piffissaq manna tikillugu isertitat apeqqutaatinnagit siunissami qaninnermi ukiumi akileraaruteqarfiusumi inoqutigiinni akileraaruteqaataasussamik 180.000 kr.-t inorlugit isertitaqarsimanissaq. Isertitanut killissarititaq 180.000 kr.-iusoq Ataatsimiititaliami isummensorfiusimavoq. **Ilanngussaq 1**-imi takuneqarsinnaavoq, 2025-imut pilersaarutip politikkikkut oqallisiginerani tamarmiusumi ataatsimut isigalugu isertitassanut killissaliussassat oqallisigineqarsimasut, tamatumani tapiissutinut aamma taarsigassarsianut tunngasut. Ataatsimiititaliaq naliliivoq, 180.000 kr.-nut killiliineq maannakkuugallartoq

allanngortinneqassanngitsoq, killiliussiaq malittassatut killiliinerummat, taannalu akileraarutitigut isertitat annikitsuunerannik tikkuussisuusq. Ataatsimiititaliarli isumaqarpoq, siunissami ilaatigut ineqarnerup tungaatigut malerugassatigut iluarsartuussinermi, ilaatigut tapiissutinut aamma taarsigassarsianut isertitatigut killiliineq ataatsimut isigalugu nalilersorneqassasoq.

Inatsisartuni isummorsorfigineqarnerani oqaatigineqarpoq, Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersoq allanngortinneqassanersoq, taamaalilluni siunissami ukiumut 200.000 kr.-t qinnuteqaatigisinnaanerit periarfissaalissalluni. Tassungali tunngatillugu Ataatsimiititaliap oqaatigissavaa, annerpaamik 100.000 kr.-t tapiissutigineqarsinnaanerit, § 45-mi aalajangersakkami naqissuserneqarmat. Taamaalilluni qinnuteqartup aalajangersimasup 100.000 kr.-nik tapiiffigineqarnissaa qularnarpoq. § 46, imm. 2-mi allassimavoq: *“Naalakkersuisut qinnuteqaammik naliliiniarnerminni iluarsaassinissap, alliliinissap imaluunniit pitsanngorsaanissap kissaatigineqartup annertussusaa, qinnuteqartup pigisaanut nalilinnut aammalu suliaassanik nammineerluni suliarinninnissamut piginnaanerisassaatur naatsorsuutigineqartumut, kiisalu inissiap pisoqaassusaanut niuernikkullu nalinganut naleqqiutissavaat”*. Taamaalilluni qinnuteqaatip nalilersorneqarnerani illup nutarterneqarnissaa imminut akilersinnaanersoq oqimaatigiisinneqaqissaassaaq. Siusinnerusukkut BSU-mit illuutit ataatsimut isigalugu pitsaassusaannut aamma niuerutigalugit nalinganut atatillugu Ataatsimiititaliap isumaqarpoq, illup pisoqaassusaanut aamma niuerutigalugu nalinganut naleqqiullugu §§-ni 45-mi aamma 46-mi piumasqaatit malillugit 200.000 kr.-t nalinganut nutarterinissamut tapiissutit naammattutut pissutissaqartikkuminaatsut.

Qulaani allassimasut tunngavigalugit 100.000 kr.-nik annertussusiliineq allanngortinneqassanngitsoq, Ataatsimiititaliap isumaqatigiittup Naalakkersuisut isumaqatigaat, tak. **Ilanngussaq 1**.

Tamatuma peqatigisaanik malitsigisaanillu Ataatsimiititaliap isumaqarpoq, 2,3 mio. kr.-nut killiliineq aalajangiusimaneqassasoq. Annertussusiliineq naammattutut Ataatsimiititaliap isumaqarfigaa, **ilanngussaq 1 malillugu** illuutillit 165-t § 45 naapertorlugu illuutiminnik iluarsaassinissamut, alliliinissamut pitsanngorsaanissamulluunniit qinnuteqarnissamut periarfissaqarsinnaammata.

### **Siunnersuutip aningaasalersorneqarnera**

Naalakkersuisut siunnersuuteqarput, konto pingarneq 87.00.88 Nunaqarfinni isorliunerusunilu sanaartornermit periusissaq – tassannga nuussinikkut siunnersuut aningaasalersorneqassasoq. Siunnersuutip aningaasalersornissaa siunertaralugu Aningaasanut

inatsisip aappassaaneerpeqarneranut Naalakkersuisut allannguutissatut siunnersuummik saqqummiussiniarput. Ataatsimiititaliap isumaqatigiittup aningaasalersuinissamut tunngasumut Naalakkersuisut isumaqatigaat, oqaaseqaateqarlunilu Inatsisartut Peqqussutaanni kapitalit sisamaat malillugu illut amerlanerpaartaat nunaqarfimmiillutillu isorliunerusumiittuunerat, kontomillu tassannga aningaasat pissarsiarineqarnissaat tamatumunnga pissutaatinneqarsinnaalluni.

### **Siunnersuutip aningaatigut kingunerisassai**

Inatsisartut Suleriaasianni § 33, imm. 1-imi takuneqarsinnaavoq, aalajangiiffigisassatut siunnersuutip piviusunngortinnerani siunnersuutip tunngavilersuutitaani aningaasatigut allaffissornikkullu kingunerisassai allaaserineqassasut.


Tamanna naapertorlugu siunnersuutip piviusunngortinnerani siunnersuutip aningaasatigut kingunerisassai allassimasut Ataatsimiititaliap maluginiarpaa. Siunnersuuteqartoq 2,3 mio. kr.-t aningaasaliissutigineqassasut siunnersuuteqarpoq. Taakku saniatigut aningaasaliissutit aqunneqarnerannut atatillugu siunnersortinut avataaneersunut aningaasartuuteqartoqaratarsinnaasoq siunnersuuteqartoq allappoq.

Naggataatigut Ataatsimiititaliap naqissusissavaa, innuttaasut inini pitsaasuni peqqinnartunilu ineqarnissaat Ataatsimiititaliap pingaartittorujussuugaa. Taamaattumik Ataatsimiititaliaq neriuppoq, BSU-mit taarsigassarsillutik illuutillit pitsaanerusumik ineqalernissaannut siunnersuut una ilapittuutaassasoq. Peqatigitillugu iikkat anorrimut oqorsarnikut, igalaat, kissarsuutit uuliertortut il.il. pitsaanerulersinneqarpata, CO<sub>2</sub> –mik annikinnerusumik aniatitsilernermik uuliamillu atuinikinnerunermik siunnersuut silap pissusaatigut sunniuteqarsinnaassasoq Ataatsimiititaliaq isumaqarpoq.

### **Ataatsimiititaliap inassutai**

**Ataatsimiititaliap isumaqatigiittup aalajangiiffigisassatut siunnersuut akuerineqassasoq inassutigaa.**


Taamatut oqaaseqarluni isumaliutissiissummilu allassimasutut paasinnilluni Ataatsimiititaliap siunnersuut aappassaaniigassanngortippaa.



Juliane Henningsen  
Siulittaasoq




Per Berthelsen



Andreas Uldum



p.v.a. Malik Berthelsen



Aqqaluaq B. Egede



Anders Olsen



Knud Fleischer



Inatsisartut  
Sanaartornermut Avatangiisinullu Ataatsimiititaliaq  
Ataatsimiititaliami siulittaasoq  
Juliane Henningsen  
/ maani

ILANNGUSSAQ 1

**Ulloq 16. Oktober 2012 Sanaartornermut Avatangiisinullu Ataatsimiititaliap  
isumasioqatigineqarnissaa**

16. oktober 2012  
Sagsnr. 2012-072321  
Dok.nr.: 1039329

Asasara Juliane Henningsen,

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

Aallarniutigalugu Sanaartornermut Avatangiisinullu Ataatsimiititaliap marlungornermi 16. august 2012-imi nal. 11.45-imiit 13.00-imut ataatsimiittarfik 1-imi BSU-mit taarsigassarsillutik illuutilit illuminni iluarsaassinissamut, alliliinissamut pitsanngorsaanissamullu tapiiffigineqarsinnaalernissaat pillugu Inatsisartuni aalajangiiffisassatut siunnersuut UKA2012/156, kiisalu Kyotomi isumaqatigiissut II naapertorlugu pisussaaffiit aamma silap pissusaanut suliassaqarfimmi suleqatigiinnissamut isumaqatigiissut pillugit isumasioqatigiinnissamut aggersaaneranut qujarusuppunga.

Akissuteqaamma matumani apeqqutit UKA 2012/156-imut tunngassuteqartut akineqarput.

Siullermik Ataatsimiititaliap apeqqutai issuarneqarput, akissutinnik malitseqartinneqarlutik.

UKA2012/156 pillugu apeqqutit

**Apeqqu 1:**

- a) *BSU-mik illuutilinnut 2,3 mio. koruuninik tapiissuteqarnissamut imaluunniit utertitsinissamut piumasaqaatitalimmik taarsigassarsititsinissamut aningaasaliisoqarnerani iluaqutaasut ajoqutaasullu pillugit Naalakkersuisut nassuiaateqarsinnaappat?*

**AKISSUT:**

Apeqqu taanna isummerfigissallugu ajornakusoorpoq, tassani kikkut iluaquserneqassanersut aamma/imaluunniit akornuserneqassanersut allassimanngimmat. Tunngaviusumik inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaata nr. 11-p, 19. november 2007-imeersup aalajangiiffigineratigut Inatsisartut aaqqissuussinermut isummersimapput, aammalu Attaveqarnermut Ineqarnermullu Ataatsimiititaliamit siunnersuut annikitsunik iluarsiissutitaqartillugu akuerineqassasoq inassutigineqarpoq.

- b) *Tapiissuteqartarluni aaqqissuussinerminngaanniit taarsigassarsisarnermik aaqqissuussinerup atuutilersinneqarnerani taarsigassarsianik*

*aaqqissuusseratarsinnaanerup aqunneqarnerani aqutsinermi artukkiinermut iluaqutit amerlanerulersinnaappat?*

**AKISSUT:**

Naagga. Maannamut inissialionermut tapersiissuteqartarnermit misilittakkat ersarilluinnartumik takutippaat, nunaqarfinni isorliunerusunilu taarsigassarsititsisarneq atornagu tapiissuteqartarneq atorineqartariaqartoq.

- c) *BSU-mik illuutillit 180.000 koruunit ikinnerusunik isertitallit, immaqalu illuminnut taarsigassarsianik akilersugaqareersut iluarsartuussinissamut taarsigassarsiat utertillugit akilernissaannut periarfissaqarnerat Naalackersuisut piviusorsiorlutut isigaat?*

**AKISSUT:**

Naagga. Maannamut inissialionermut tapersiissuteqartarnermit misilittakkat ersarilluinnartumik takutippaat, BSU-mit taarsigassarsillutik illuutillit amerlanersaat taarsigassarsianik amerlanerusunik akilersuinissamut isertitaat naammattanngitsut.

**Apeqqu 2:**

*BSU-mit illuutillit qassit Inatsisartut peqqussutaanni nr. 11-mi, 19. november 2007-meersumi kap. 4-mut attuumassuteqarpat, taamaalillutillu illuminnik nutarterinissamut pisortanit tapiiffigineqarnissamut periarfissaqarsinnaallutik?*

**AKISSUT:**

A/S Inissiaatileqatigiiffik INI, inissianut tapersiissuteqartarnermik aqutsisuusoq ilisimatitsivoq, BSU-mit taarsigassarsillutik illuutillit, kap. 4 naapertorlugu taarsigassarsiallit, aammalu ukiumut 180.000 koruunit sinnerlugit isertitaqartartut katillugit 1.175-iusut. Taakku inissianik iluarsaassinissamut, alliliinissamut pitsanngorsaananissamulluunniit taarsigassarsinissamut qinnuteqarsinnaapput. Piginnittut kap. 5 naapertorlugu taarsigassarsiallit aammalu ukiumut 180.000 koruunit sinnerlugit isertitaqartartut katillugit 1.748-iupput. Taakku inissianik iluarsaassinissamut, alliliinissamut pitsanngorsaananissamulluunniit taarsigassarsinissamut qinnuteqarsinnaapput. Kap. 4 naapertorlugu taarsigassarsiallinit 1.175-iusunit taarsigassarsiat 165-it taarsigassarsiatut allanngortitatut nalunaarsorneqarsimapput, taakkulu § 45 naapertorlugu inissianik iluarsaassinissamut, alliliinissamut pitsanngorsaananissamulluunniit tapiiffigineqarnissamut qinnuteqarsinnaapput, tassaappullu ukiumut 180.000 koruunit inorlugit isertitaqartartut. Tassalu A/S Inissiaatileqatigiiffik INI-mit paasissutissat takutippaat, inissianik iluarsaassinissamut, alliliinissamut pitsanngorsaananissamulluunniit tapiissuteqartarnermik pisariaqartitsineq annertunngitsoq.

**Apeqqu 3:**

*Isertitaqarnermut killiliussap atuuttup 180.000 koruuniusup qaffanneqarnissaanik, taamaattoqassappallu pissutsit suut qaffaanissamut pissutaasinnaanersut pillugit Naalackersuisut isumaliutersuuteqarnikuuppat, aamma killiliussap qanoq annertutigisumik qaffanneqarnissaanik Naalackersuisut isumaqarpat?*



**AKISSUT:**

Aap. Apeqquut 2025-mut pilersaarutip politikkikkut oqallisigineqarnerani tamarmiusumi sularineqarpoq, tassanilu ilaatigut nalinginnaasumik isertitassanut killissaliussassaaq pillugu apeqquut oqallisigineqassaaq, aammalu pingaartumik tapiissuteqartarnermut taarsigassarsititsisarnermullu tunngasut oqallisigineqassallutik.

**Apeqquut 4:**

*Malittarisassat atuuttut naapertorlugit Naalackersuisut 100.000 koruunit angullugit tapiissuteqarsinnaapput. Nutarterinissamat pisariaqartitsineq aamma sanaartornermi atorunut akil qaffariarnerat il.il isiginiarlugit aningaasat taakku naammassasut Naalackersuisut sulii isumaqarpat?*

**AKISSUT:**

Aap. Eqqaamassallugu pingaaruteqarpoq, illumik piginnittuulluartup illuutini ingerlaavartumik aserfallatsaalisarmagu, tamatumunngalu aningaasanik immikkoortitsisarluuni. Pisunut artornartunut naatsorsuutigeriinngisanullu ikiorsiisarnissaq, kiisalu inigisamik iluarsaassisarnissaq, alliliisarnissaq pitsanngorsaasarnissarlunniit 100.000 koruunit tikillugit tapiisarnermut tunngavigineqarpoq. Tamatumunnga atatillugu erseqqissaatigineqarsinnaavoq, aningaasanit amerlasuut kiassaatioqqat (pottefyr, skibsovne aamma olieovne) kiassaatinik qitiusumik kiassaateqarfitalinnik radiatorilinnillu nutaaliaanerunuk taarsersuinermit atorineqarsimammata.

**Apeqquut 5:**

- a) *2,3 mio. koruunit taakku qanoq aningaasalersorneqarnissaannut Naalackersuisut qanoq siunnersuuteqarpat?*

**AKISSUT:**

Kontomit pingaarnemit 87.00.88 Nunaqarfinni isorliunerunusuunilu sanaartornermut periusissaaq, aningaasanik nuussinikkut.

- b) *Aningaasat 100.000 koruunit marloriaatinngornissaat aalajangerneqaraluarpat, kisiannili BSU-mit illuutillit taamatut sulii amerlatigisut aqqissuussinermik iluaquteqarlutik, taava ilassutaasut sulii 2,3 mio. koruunit qanoq aningaasalersorneqarnissaannut Naalackersuisut siunnersuutissaqarpat?*

**AKISSUT:**

Aallarniutigalugu erseqqissaatigineqassaaq, BSU-mit taarsigassarsillutik illuutillit aalajangersimasut pisunut naatsorsuutigeriinngisanut, kiisalu inigisaminnik iluarsaassinissamat, alliliinissamat pitsanngorsaasarnissamullunniit 200.000 koruuninik atorfissaqartitsinissaat ilimanangimmat. Tamanna pissutigalugu sinaakkutissat 2,3 mio. koruuniuginnarnissaat Naalackersuisut aalajangiisimavaat.

- c) *Avatangiisinut akitsuutit imaluunniit avatangiisinut aqqissuussinerit aqqutigalugit aqqissuussinerup aningaasalersorneqarnissaa Naalackersuisut isumaliutiginikuuaat?*

**AKISSUT:**

Naagga.

**Apeqquut 6:**

*Nutarterinermut tapiissutinik immikkoortitsisarnermut taarsiullugu nutarterinermi ilanngaatiq illuutilinnit tamanit atorneqarsinnaasup atuutilernissaa iluaqutissartaqartoq Naalakkersuisut isumaqarpat?*

**AKISSUT:**

Naagga. Iluarsaassinermut ilanngaasiisoqassappat, tunngaviusumik inissiaatillip isertitai akileraarutaasussat sinneqartoofiusimasariaqarput.

**Apeqquut 7**

*BSU-mit illuutilit 180.000 koruunit ikinnerusunik isertitallit taamaallaat illuutiminnik iluarsartuussinermut tapiiffiqineqarnissamut periarfissinneqarsinnaanerit Naalakkersuisut naleqquttutut isigaat?*

**AKISSUT:**

Pingaarnertut apeqquut 3-mut akissutigaa innersuussutigissavara, tassani assersuutigalugu tapiissutinik aammalu isumaginninnikkut tapersiissutinik pissarsinissamut isertitanut killissarititaasut qanoq amerlassusilerneqassanersut ataatsimut oqaluuserineqartussaammata.

**Apeqquut 8**

*Namminerisamik illuutit nutarternerinut aamma iluarsartuunnerinut ullumikkut periarfissat assigiinngitsut atuupput. GrønlandsBanken assersuutigalugu piumasaqaatit pilerinartut atorlugit taamatut taarsigassarsinnaanermut ussassaaruteqarnikuuvoq. Taamatut taarsigassarsiniarsinnaanermut illumi inoqutigii akileraarutigut qanoq annertutigisumik isertitaqarnissaat pisariaqarneris Naalakkersuisut nalilerpaat?*

**AKISSUT:**

Taarsigassarsianik taarsersuinerneq isertitat naammannersut naliliinermi taarsigassarsisup aningaasaqarnera tamakkiisumik naliliiffiqineqartussaavoq, tassanilu ilaatigut ukiut, suliffeqarnikkut pissutsit, ilaqutariinni inuit amerlassusii, atueriaatsit akiitsullu allat ilaatinneqartarput. Assersuutigalugu oqaatigineqarsinnaavoq, 100.000 koruunit tikillugit taarsigassarsinermi, piffissaq akilersuiffiususaaq ukiunut tallimanut sivissusilerlugu, taarsigassarsiallu 8%-imik ernialerlugit qaammammut akiligassat 2.100 koruuningajannik amerlassuseqassapput. Tassalu taarsigassarsisup maannakkut aningaasartuutimi aammalu taarsigassarsianut akilersuutissami matussusernissaannut naammattumik isertitaqartariaqarpoq.

**Apeqquut 9**

*Kontonut pingaarnernut assigiinngitsunut marlunnut aningaasat inissinneqarnissaasa iluaqutissartaannik Naalakkersuisut taasaqarsinnaappat – ataaseq illoqarfinni BSU-mit illuutilinnut tapiissuteqarnermut imaluunniit taarsigassarsititsinermut aamma ataaseq nunaqarfinni BSU-mit illuutilinnut tapiissuteqarnermut imaluunniit taarsigassarsititsinermut?*

**AKISSUT:**

Naamik. Taarsigassarsianut akilersuisarnerup ingerlanissaa § 46, imm. 2-mi allassimavoq, imatullu nipeqarpoq: "Naalakkersuisut qinnuteqaammik naliliiniarnerminni

*iluarsaassinissap, alliliinissap imaluunniit pitsanngorsaanissap kissaatigineqartup annertussusaa, qinnuteqartup pigisaanut nalilinnut aammalu suliassanik nammineerluni sularinninnissamut piginnaanerisassaatur naatsorsuutigineqartumut, kiisalu inissiap pisoqaassusaanut niuernikkullu nalinganut naleqqjutissavaat.”*

**Apequt 10:**

*Suliamut allatigut attuumassuteqartumik Naalakkersuisut ilisimatitsisinnaappat?*

**AKISSUT:**

Aap, eqqaamassallugu pingaaruteqarpoq, illuutilik pitsaasoq eqjasuitsorlu illuutiminik paarsilluartuummat, aammalu pilersaarutaasumik piffissalikkamillu aserfallatsaaliuinissamut sipaagaqartartuulluni. Taamaattumik aqqissuussinermik, innuttaasut arlallit illuutiminnik aserfallatsitsisinnaallutik, inuiaqatigiillu aningaasartuutiminnut akiliinissaannut naatsorsuuteqarfigisassaannik pilersitsisoqassappat tapersiisoqassappallu naammaginangilaq. Taamaattumik aqqissuussinerup aqunneqarnerani pisuni artornartuni naatsorsuutigeriinngisanilu ikiorsiisinaanissamik, aammalu iluarsaassinermut, alliliinermut pitsanngorsaanissamulluunniit ikiorsiisinaanissamik anersaaqarnissaq pingaaruteqarpoq. Aqqissuussineq nalinginnaasumik ingerlaavartumillu aserfallatsaaliuinermut matussutissatur atorreqarsinnaassanngilaq atornerlunneqarsinnaassaniluunniit.

Neriuppunga matumuunakkut apeqqutit saqqummiunneqartut naammaginartumik akisimassallugit.

Inussiarnersumik inuulluaqqusillunga

Jens B. Frederiksen